



DEO OPTIMO MAX.

UNI ET TRINO,

VIRGINI DEIPARÆ, ET S. LUCE
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS
*manè discutienda, in Scholis Medicorum, die Jovis vigesima.
primâ mensis Novembris, anni M. DCC. XLIII.*

M. DAVID VASSE;

Doctore Medico, Præside.

An à Vomitu Partus facilius?

I.



EDICULI instar, quo fructus ex arbore pendet & vivit, umbilicus est, quo uno puer suæ sedi, ut solo planta, insertus, animam ducit, cibumque tandiu fugit ad nutritionem atque augmentum; donec acquisitâ perfectione gravis, jamque granditatis non ferendæ limen urgere incipiat. Tunc enim laceratus primùm uterus se se colligit, ac undique, sed versùs pedes infantis præsertim adhibitus, huic tanquam oneri foràs exturbando acriter incumbit. Puer ipse

A

2

aëris, alimentique majoris indigens jam jam in caput pronus, interiori carceris orificio instare sic non definit, ut eo tandem patenti fatis, nec amplius impari, protensis secundum latera manibus, rectus, atque ad exeundum compositus è suis latibulis in lucem prodire queat. Quo quidem in negotio Numinis sapientia eximiae potentiae comes individua, una spectanda venit, non autem ossium contractior visa nonnullis intercapedo, quae semper, ut est, atque citra ileum à sacro, pubisve ossium à seipsis discrimen, solà cedente coccyge, partui per se sufficit. Moram si quid, etiamque periculum affert; en matris breviter astrictum uteri stomachum, & quò plus illi ætatis, eò plus siccitatis & duritiei locis ad obstitendum accidit. Tunc enim nimidè plus exhaustis viribus, uterque aliquando, vel matris aut foetus alteruter impotens succumbit operæ, quæ sæpe cum morbo vel morte dividi solet.

I. I.

MULIER cui bene est, ea dum temperamento, habitu, ætate, viriumque robore constat, gestationis tempora bellè demetitur, ac opportunè parit septimo, qui vitalis; aliàs nono, qui maxime securus & communis; vel decimo mense, qui Heroum proprius est. Tandè enim tempestivior septimestris est partus, quantò magis calamitosus videtur octimestris, in quo puer præposterè ortus, atque debilior, novas ambiens injurias, à priori duroque labore nondum recreatas ferre non potest. Seu enim adsit, seu negetur nascendi velocitas, omni ex parte premunt angustiae, laborisque mutuas, reciprocaeque vices semper habent infans, materque. Hujus quasi ad enitendum cohibito spiritu, facies rubore primùm suffusa pene livescit, *ερωαρχία* ad pubem pertingens, inguinumque lassitudo molestias addit, pulsus sit vehemens, venarum jugulique iplius tumor in bronchocelen sæpe degener, eminet. Arctioris loci situlque impatiens puer instat ad ostium, in quo jamjam hianti prostant aquæ suis conglobatæ membranis. Per eas sanguinea exudat humiditas. Hinc pudendorum inflatio, mucosus leniensque mador erumpit, quo solum iter laxatur, ceditque ad imminentem partum. Porro quantumcumque tremor, infrequens licet, parturientis occypet artus, sed crura potissimum, hunc acuto dolorum sensui acceptum refer, cujus est utrendo ferire tendinosa uteri ligamenta. Quà enim secundum pedem ab inguine patent, hæc effuso sero concussa, ejus, noxiaque unà propulsandæ gratiæ eunt, redeuntque motu inordinato. Eadè ferme de causâ vomitus quisquis suboritur, in illo matris angore, partusque procinctu, affectus est præter naturam, qui nullius ad rem faciliè transigendam momenti, sed mali omnis semper, scetum, scetamque damnis adauget.

I. I. I.

MOTUS in quo universè, celeriterque pars, redit ad suam naturam, jucunditas est. Secùs, si multùm illa, citòque recesserit à seipsis, tunc aspera sensatio oritur. Utramque affectionem mulier ope, & operâ scetum enixa solet experiri, dum suscepto partus, exactoque labore, loci quamprimum ad sese, consertinimque redeunt. *αμωλα* afferunt voluptatis affinem. At hæc dolorem non æquat, cujus summi sanè, & opinione omnium majoris, licet interpolati exemplum est in parturiente. Aliàs mater nimio dolore oppressa, cum nemo valde

doleat & diu, ἀνδραγῶν parere posset, aut si indefinenter exerceretur; ea sana fatali necessitate cederet. Et re verà ubi fortioris cruciatus imaginem invenias, quàm ejus, qui in arcto & inter angusta positus est, qui partes eximii sensus occupat, qui tum extrà, velut à distendente organo profectus, divellit, tum intus ab acri humore manans exurit? Tam arctè stringitur os uteri, ut id acus ne suà quidem cuspidè subire queat. Membranæ tactus organa, doloris voluptatisque sedes sunt. Fit. demum via vi, atque dum angitur, ardetque dolore mater, spiritus ipsi pernicitate motus ad exardescendum faciles, suum humoribus calorem vicissim communicant. Hac arte commota bilis, ocyùsque fermentescens, actiosa semper, in ventriculum exundat. At utero *ὀυερδὸν*, stomachus *ὀυερδὸν* suà naturà, multisque nominibus maximè sensibilis, statim comparitur. Adeò partium invicem affinitas substantiæ, earundemque. per nervos consociatio magnitudine suà præstabiles sunt, propter quas crucians ægritudo illorum ductus secuta, ad ventrem usque profertur, qui jactatus, mox velut in alicujus mali depulsione totus apparet; liceat frustra, nec id uspiam ullo naturæ tunc laborantis commodo fiat.

I V.

ISTIUSMODI affectio; vomitusve, grave quidem est ventriculi symptomma, sed dubio procul communi ne dicam lædendi jure præcordiis, sed uterum gerenti privatum insensum. Scilicet dum fundi illius, quamquam valentis, vehementes sursum sit commotio, acerbissimique doloris sensu sufferta bilis modum non tenet; ipso vomitandi conatu infantis matrisque vires attrita collabuntur, quarum firmitate stat pariendi facilitas. Diaphragmatis musculorumque abdominis unà cum utero ad partus laborem conspiratio, iisdem retrò sursumque pro nutu vel motu potiùs ventriculi sublatis pervertitur. Tantùmque abest, ut sic prompta facilisque ad pariendum via sternatur, quin potiùs impedimentis difficultas crescat, seipsà etiamnum major, nō in præcavendà sagacem; vel amoliendà illius causà tempestivum sese daret Medicus. Siquidem venæ sectio-
ne hæmorrhagiæ periculum, & simul alter ad partum obex venarum nimis tumor arcetur. Catharfi biliosus secedit humor, qui stomachum movet; atque quemadmodum prævio partus madore mucoso lubricat vias, delinitque natura, Sequenter ille ægro partu prospecto membranas vetulæ matris præ duritie contractas, vel hecticâ ficitate duras, litu relaxat, foru emollit; adeò ut attenuatis cruciatuum causis, si tanti constet nasci, saltem hæc arte tutiùs, quàm *ἐλχυσθῆναι* aut Emeticis Medicamentis, faciliùsque obstetricetur Medicina, quæ malum omen vomitus novit avertere.

V.

RENIS uterique eadem est ratio, & uniuscujusque sua fœtura perhibetur. Illius quidem calculus, quem suo modo fovet, hujus verò puer, quem absolutum edere novit natura. Ubi enim ambo propriis faucibus hærentes, magnitudine suà atque pondere acerbitem cident; ad eam amoliendam eriguntur partes, à quibus per nervos propagato dolore, ventriculum è vestigio condolere, vomitu percelli contingit. At quomodo excussus vomitando lapis nephriticus altius nec tardò figitur, & cruciat, posthæc inextricabilis, aut ægeriæ pro-

lapsurus; eodem fermè conatu inexplicabile pariendi munus novis impedimentis tenetur, cuius asperitatem asperitare cumulat vomitio. In eà quippe venter suâ sede dissilit, compressoque fundo rotus sursum impetu fertur. Adscendentes quas impellit, & assensu ad se, membranæ partesque divelluntur, debilitantur. Dirum meherculè symptomatis genus, quod dum ex præsentî conformatione matrem anxiam magis habet, atque ventriculi functioni pejùs nocet, uterum unâ cum adjunctis retrahit, obtrubatoque ejus officio Lucinam moratur, quam gravibus difficultatum momentis intricatam ab opere præcipuo sic evocat, ut sedens præter ordinem infamis vomitus, nec tantis oppressæ mulieris angustiiis opi esse, nec imminenti partus seu causis, seu propriis notis, quæ uniusmodi, perpetuæque sunt, possit ascribi, quoties expeditiorem tutioremque fœtus exclusionem ad partus animantium adhibitum Numen moderatur & regit.

Non ergo à Vomitu Partus facilior.

DOMINI DOCTORES DISPUTATURI.

*M. Tassanus-Gilbertus Boulland,
Consultarius Medicus Regis
ordinarius in ejus Castellæto.*

M. Jacobus-Albertus Hægon.

*M. Philippus Davier de Breville,
Dotoriæ Hispaniarum
Reginæ, dum Vixeret, Medicus
ordinarius.*

*M. Gaspardus Cochon du Puy,
in arce maritimâ Rupisfortensis
Anatomes & Chirurgiæ Professor
Regius.*

M. Claudius Carolus de Jean.

M. Guillelmus de Magny.

M. Jacobus-Francisus Vandermonde.

*M. Francisus-Felicitas Cochon,
Scholæ Regiæ Professor.*

M. Gabriel-Antonius Jacques.

Proponebat Parisiis, FRANCISCUS BIDAULT, Parisinus,
Saluberrimæ Facultatis Medicinæ Parisiensis Baccalaureus, A. R. S. H. 1743,
à sextâ ad meridiem.